

Vischnaunca politica Andiaast

Radunonza communal dils 15 da matg 2013

Presents: 12 vischinas e vischins d'Andiaast e la suprastonza communal

Sco usitau tier l'emprema radunonza communala digl onn fa nies president in plaid d'avertura. El seregorda da nos defuncts, Dietrich-Stutz Rosa, Dietrich-Venzin Guido, Vincenz-Derungs Lorenz, Sgier Theodor Fidel, Sac Flurin, Sac Pius, Sgier Hans, Spescha Melc, Vincenz-Jenal Luisa, Sgier-Spescha Elisabeth. Egl onn 2012 ha ei dau sulettamein ina naschientscha, numnadamein Bento Goncalves Beatriz, *17.05.2012.

Plinavon fa president Sievi Sgier ina retrospectiva dil curriu e passau il davos onn. El fa menziun dils projects ch'ei sin rucca, sco era dils projects previ pils proxims onns.

Sco davos engrazia el a tut ils officials da vischnaunca ch'ei s'engaschai e s'engaschan pil beinstar da nossa vischnaunca, sco era a tut ils commembers dallas uniuns dil vitg ed a tuttas vischinas e vischins che s'engaschan en ina moda ni l'otra.

1. Beinvegni ed elecziun dils dumbravuschs

President communal Sievi Sgier fa in cordial beinvegni. Sco dumbravuschs vegn Priska Capaul proponida ed elegida unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dils 21 da december 2012

Il protocol dalla davosa radunonza communal dils 21 da december 2013 vegn prelegius ed approbaus unanimamein.

3. Nums e numeraziuns da vias en vischnaunca

Igl uffeci d'agricultura e geoinformaziun dil cantun Grischun ha l'intenziun d'exequir in operat da mesiraziun ella vischnaunca d'Andiaast. Numnadamein duei il territori communal vegnir numerisau e digitalisau. Pil mument ein mo ils cunfins avon maun en fuorma digitala. Finamira da quei project ei da definir ils nums da vias e d'adressar ils baghetgs danovamein. Enfin ussa ha la numera d'assicuranza surviu sco adressa postala. Quella duei ussa vegnir remplazzada entras numeras individualas che fuorman cun il niev num dalla via la nova adressa officiala. Ils cuosts per quei project vegnan surpri dil cantun e dalla confederaziun. Sulettamein ils cuosts da signalisaziun van sin donn e cuosts dalla vischnaunca.

Denter vischinas e vischins vegn menau vivamein discussiun en caussa. Suandontas vias vegnan midadas:

- Via Era -> Via Carnugl
- Via Carnugl -> Via Cliss

La proposta dalla suprastonza communal vegn approvada unanimamein.

4. Damonda da credit – sanaziun dalla via d’uaul Buriz-Vallatscha

Il 19 da mars 2013 ha la regenza dil cantun Grischun concediu la sanaziun dalla via d’uaul Buriz-Vallatscha. Ils cuosts per la sanaziun muntan a ca. frs. 80'000.00. Il cantun ed la confederaziun subvenziuneschan tal project cun ina summa da frs. 56'000.00. Per la vischnaunca restan aschia cuosts da biabein frs. 24'000.00.

La radunonza communal approscha cun 15 vuschs gie ed 1 vusch na il credit necessari da frs. 80'000.00.

5. Damonda da credit – lingia d’aua Fraissen-Chiglina

En connex cun la sanaziun dalla via da funs Fraissen-Chiglina duei medemamein, sin fundament dil project per il provediment d’aua ch’ei momentan en lavur, ina nova lingia d’aua vegnir tschentada en quella via. La suprastanza less combinar lavurs da scavement per aschia saver reducir cuosts. Ils cuosts per tschentar quella nova lingia muntan a frs. 60'000.00.

La radunonza communal conceda unanimamein il credit necessari da frs. 60'000.00

6. Midada digl artechel nr. 7 dalla lescha da taglia communal

Il 18 da december 2012 ha la Regenza dil cantun Grischun mess en vigur la revisiun parziala dalla lescha da taglia dil cantun Grischun. Sin fundament da quella revisiun ei era la vischnaunca obligada d’adattar la lescha da taglia sin scalem communal. Per che la vischnaunca possi incassar ina taglia sin donaziuns ni sin eventuels premis da persunas cun domicil en vischnaunca sto igl artechel 7 dalla lescha da taglia dalla vischnaunca d’Andiast vegnir cumpletaus cun suandont punct:

“Obligaus da pagar taglia ei il retschevider dall’assegnaziun, sche:

c) el ha - il mument ch’ei vegn surdau ils premis e las donaziuns d’honor dil cantun – siu domicil en la vischnaunca d’Andiast.”

La midada digl artechel nr. 7 dalla lescha da taglia communal vegn approbada unanimamein.

Finiziun dalla radunonza allas 21.20 uras.

Andiast, ils 15 da matg 2013

Il president:

Il canzlist:

Sievi Sgier

Gian Carlo Albin